



## МЕСЯЦА ОКТЯБРЯ В 16-Й ДЕНЬ

### Святаго мученика Лѳнгина сотника, иже при Крестѣ Господни

На Господи, возвах: стихиры, глас 8.

Подобен: О преславнаго чудесе:

**Мучениче Лѳнгине** всехвальне, / кровей очервлѣнии спасительную себе ризу обагрил еси, / болезненными страданияи обнажив многокѳзненнаго. / И ныне в Вышнем живеши Царствии, / венцем неувядным увенчався, яко победитель, / тем твою славную память почитаем.

**Мучениче Лѳнгине** всехвальне, / на Кресте Сына Божия узрѣв, / страждуща волею / и смерти вкушающа, / егда и солнце видел еси, свет свой омрачившее, / и горы трепещущия, / тогда зывал еси иудейскому соборищу: / истинно Сын Божий Сей есть и Господь и Царь всех.

**Мечем** главѹ твою отсекоша еврейстии людие, / пребеззаконный сонм, народ неблагодарный, / в гнои повергше, / и убо жена невидящая притекши, / и сию взявши, свет приемлет. / О всеблаженне Лѳнгине всехвальне, / за ны молися ко Господу, еже спастися нам.

Слава, глас 6. Иоанна монаха:

**В** страсти Твоей, Христе, / храм узрѣв, разсѣдшся Лѳнгин стоначальник, / Сына Божия Тя быти иудеем проповедаше. / Тем лѳтии Божественную главѹ его / отсѣкше мечем, в гнои повергѳша, / жена же, сию обретши, / затворен-

ныя зѣницы очес своих отверзе./ С неуже и мы  
вопием Ти:/ Иже сего венчавый, за Тя  
пострадавши,/ того молитвами и наша очеса  
сердечная просвети/ славити Тя Бога, на Кресте  
пригвожденнаго плотию,/ во еже спасти нас.

**И ныне, Богородичен или Крестобогородичен.**

**Подобен: Все отлѣжше:**

**Агница** Своего **Агница** Нескверная древле/ и  
Непорочная Владычица/ на Древе Крестнем яко  
узре, матерски восклицаше/ и, дивящися,  
вопяше:/ Чадо Сладчайшее,/ что зрение сие  
новое и преславное?/ како сонм безблагодатный/  
судящу Пилатову предаде Тя/ и осуждает на  
смерть Живота всяческих?/ но воспеваю Твое  
неизреченное, Слове, снизхождѣние.

**На стиховне Октоиха.**

**Слава мученика, глас 6. Иоанна монаха.**

**При Крестѣ** предстои и бывающая смотря,/  
распинаема на Древе Бога и Человека видеи,/  
вопийл еси к Нему:/ во Царствии Твоем помяни  
мя, Господи./ Тем и Спас приглашаше тебе:/  
блажен еси, Лѳнгине,/ и память твоя в род и род.

**И ныне, Богородичен или Крестобогородичен.**

**Подобен: Трдневен:**

**Видяци** Тя распинаема, Христе,/ Тебе  
Рождшая вопяше:/ что странное еже вижу  
таинство, Сыне Мой?/ како на Древе умираеши  
плотию повешен,/ Жизни Подателю.

**Тропарь, глас 4:**

**Мученик** Твой, Господи, Лѳнгин,/ во страда-  
нии своем венец прият нетленный от Тебе, Бога  
нашего:/ имей бо крепость Твою,/ мучителей  
низложй,/ сокруши и демонов немощныя  
дерзости./ Того молитвами/ спаси души наша.

## НА УТРЕНИ

**Оба канона октоиха и святаго канон, егоже краегранѣсие:**  
**Лѳнгинову великую воспою славу. Иосиф. Глас 4.**

**Песнь 1**

**Ирмос:** Моря чермнѹю пучину/ невлажными стопами/  
древний пешествовав Израиль,/ крестообразныма Мо-  
исеовыма рукама/ Амаликову силу в пустыни победил  
есть.

**Божественными светолітїи, славне, просвещаемъ / и со Ангельскими чїнми Христу Богу предстоѣ, / светоносную память твою совершающїя просветї.**

**Ничтѣже тебе к Богу единения, мучениче, разлучї, / отлучена всякїя плотскїя сласти верою, / и чисто желанїя крайнейшаго наслаждаешися.**

**Служа Богу Живому, всеумдре, ума чистотѣю, / мертвым кумїром, блаженне, никакоже службы принесл еси. / Тем к безконечней жизни, умерщвлен, прешел еси.**

**Богородичен:**

**Слово Отчее во утрѣбе Твоей словом зачала еси, / безсловесїя избавити земнїя восхотѣв благостїнею, / Дево Мати Пречистая, Благословенная, Всенепорочная.**

### **Песнь 3**

**Ирмос: Веселится о Тебе Церковь Твоя, Христе, зовущї: / Ты моя крепость, Господи, / и прибежище, и утверждение.**

**Познав на Крестѣ Сына Божїя, / Истиннаго Господа, за ны страждуща, / в Того вседѣшно веровал еси.**

**Земля, якоже напоена, прїимши словесная семена, / твоя душа клас, умдре, зрел / Божественнаго благочестїя возрастїла есть.**

**Вѣтрилом Крестá / мук страстную преплыв пучїну, / тихая пристанища постигл еси, славне, веселяся.**

**Богородичен:**

**Недугующую мою дѣшу страстѣй нанесеными исцелї, / Мати Божїя Пречистая, / и ко спасенїю направи.**

**Седален, глас 8.**

**Подобен: Премудрости:**

**Распинаема видел еси Избавителя, / и Того зарїями осветївся, / тьмы избегл еси неразумїя глубочайшїя / и к Божественному разуму себе сочетал еси, / веровав, яко есть Бог Видимый. / Тем и пострадав, ликом причислился еси, / Лѳнгине блаженне, мученическим, радуясь. / С ними же всегда, славне, молился Христу Богу / согреше-**

ний оставление подати / чтущим любовь святую  
память твою.

**Слава, и ныне, Богородичен:**

**В** напáсти многоплетённая впад от враг види-  
мых и невидимых, / бурею одержимъ безчислен-  
ных согрешений моих, / и, яко к теплomu заступ-  
лению и покрову моему, Чистая, / ко пристанищу  
притекаю Твояя благодати. / Темже, Пречистая, из  
Тебе Воплощённому безсе́менно / моли́ся прилеж-  
но о всех рабах Твоих, / непрестанно молящихти-  
ся, Богородице Пречистая, / молящи Его присно  
согрешений оставление даровати / воспевающим  
достойно славу Твою.

**Крестобогородичен:**

**А**гнца и Пастыря, и Избáвителя / Агница зря-  
щи на Кресте, восклицаше, пла́чущи, / и, горько  
рыдаючи, вопияше: / мир убо радуется, приёма́я  
Тобою избавлени́е, / утроба же Моя горит, зрящи  
Твое распятие, / еже терпи́ши за милосердие  
милости. / Долготерпеливе Господи, / милости без-  
дно и источниче неисчерпаемый, / уми́лосердися  
и да́руй согрешений оставлени́е / верою поющим  
Божественныя Страсти Твоя.

**Песнь 4**

**Ирмос:** Вознесена Тя видевши Церковь на Кресте, /  
Солнце праведное, / ста в чине своем, / достойно  
взываючи: / слава силе Твоей, Господи.

**К**репча́йший стяжа́в в вере смысл, блаженне, /  
некрéпкую прелести разруши́л еси твердость / и,  
радуясь, взывал еси: / слава силе Твоей, Господи.

**В**озвыше́на и к Древу пригвожде́на / Безстра-  
стнаго зря Господа славы, / Того исповедал еси  
Сына Божия, славне, / стражду́ща Своею волею.

**У**вядáему смерть смертью Безсмертнаго  
видев, / потща́лся еси, Лóнгине, Его ради умрети /  
и жи́ти по смерти со благославно пострада́в-  
шими.

**Богородичен:**

**У**едини́вшася по Ипостáси во чре́ве Твоём / и  
бывша Человека, Пречистая, / Слова, па́че слова,  
родила́ еси, / сугу́ба хотёнными и де́йствы являе-  
маго.

## Песнь 5

**Ирмос:** Ты, Господи, мой свет, / в мир пришел еси, / Свет Святой, обраща́яй из мрачна неведения / верою воспевающия Тя.

**Земли́ всякия воистинну быв пришлец, / в язвах страсотерпческих украсился еси, Лóнгине, / и на земли́ кротких вселился еси.**

**Возмогл еси, Креста силою укрепляем, / немо́щное мучителей, страсотерпче Лóнгине, победи́ти безумие.**

**Поста́вив на твёрдем основании сердце твое, всехвальне, / колебания искушений волнением неколе́блен пребыл еси.**

**Богородичен:**

**Едину, Бога Рождшую неискусомужно, воспо́йм Деву, / Еюже спасэни бывше, и верою ублажи́м.**

## Песнь 6

**Ирмос:** Пожру́ Ти со гла́сом хваления, Господи, / Церковь вопиет Ти, / от бесовския кро́ве очи́щися, / ради милости от ребр Твоих / истекшею Кровию.

**Го́ры же и зéмлю колеба́вшуюся виде́в в Стра́сти день, / неверствием сто́яния поколебался еси / и верою утверди́лся еси, Лóнгине, Стражду́щаго.**

**Разум истинный и соверше́н, и смýслен восприя́ти возмогл еси, / видя тварь изменяющуюся, / и к Божественному изменился еси, Лóнгине, познанию.**

**Претерпел еси лóтую му́ку, радуясь, / и выю мечу́ несомненною мыслию преклонил еси, / усека́я главы́ врагов верою.**

**Богородичен:**

**Изсуши́ и из ко́рене, Всенепорочная, истóргни терно́вныя по́мыслы сердца моего, / и плодоносно сие покажи́ ходата́йством Твоим, / Отрокови́це Всечистая.**

## Кондак, глас 4.

**Подобен:** Явился еси:

**Весело возрадовася Церковь / в памяти днесь приснопамятнаго страдальца Лóнгина, зывающи: / Ты моя держава, Христе, и утверждение.**

**Икос:**

**Небо,** тьмою многою омрачаемо, и землю трясу́щуюся, / и ка́мение разседа́ющесея, храма же катапетáсму раздирающуся на двóе видеv, / в Божественней Страсти Христове Лóнгин Божия Сына позна́, / страждуща Своим благоутробием, безстра́тна же суща Божеством, / и Славою со Отцем и Духом Святым содержащаго все и объемлюща, / яко Бога Истинна и Царя. / Тем радостно страдалец зовяше: / Ты моя держава, Христе, и утверждение.

**Песнь 7**

**Ирмос:** В пещи́ Авраáмстии óтроцы персидстей, / любви́ благочестия пáче, / нежели пламенем, опалéми, взываху: / благословен еси в храме славы Твоея, Господи.

**Законно** пострада́в, мучениче, / мужеским нрáвом душй́ вся беззакóннующих посрамил еси советы / и законно венчался еси: / благословен еси, вопия, в храме славы Твоея, Господи.

**Божественная** благодать, нашедши мо́щем твоим, / всяку болезнь решит́ благочестиво приходящих к тебе, блаженне, / и проповедающих тя, истины непобедимаго свидетеля.

**Плоти** умирающия не пощади́л еси, Лóнгине, за Христа, / жрети́ отрелкся еси дéмоном / и тебе сама́го Богу жертву непорочну, радуясь, принесл еси, / мечем посéчен, досточудне.

**Богородичен:**

**Яко** Чистую Тя, Чистое Слово обрёт, всели́ся, Дево, / Тобою очисти́ти сквёрны́ человекóв избóлив: / благословен бо Плод чрéва Твоего.

**Песнь 8**

**Ирмос:** Ру́це распротёр Даниил, / львов зия́ния в рове затчé: / óгненную же силу угаси́ша, / добродетелию препоясавшесе, / благочестия рачи́тели, óтроцы взывающе: / благословите вся дела Господня Господа.

**Успив** прежде плотскáя двизáния, славне, бдёньюми, сущими ко Господу, / усну́л еси сладким сном, блаженне, умертвився Христа ради, / на Древе Крестнем сном Божественным мертвым Жизнь источившаго.

**Копи́ем** прободéна в рéбра, блаженнейше, яко видел еси, / и, Кровь и вóду источи́вша, Христа Человека, за милосердие, бывша, / и уязвен был

еси Того сладким желанием, воспевая: / благословите вся дела Господня Господа.

**Погасил** еси огнище идольское кровей теченьми, Лонгине всемудре, / и пожéгл еси кумиры, и нетвёрдая чтíлица, / Божественною ревностию дúшу возпáлив и взывая: / благословите вся дела Господня Господа.

**Очи** сердечныя просветív Божественными сияньми, омрачившагося Солнца всесветлое сияние, / мрак усердно оставил еси злочестия и звезда явíлся еси, мудре, просвещающая вопиющая: / благословите вся дела Господня Господа.

**Богородичен:**

**Усты** и языком, и душéю проповедаю Тя, Богородительницу, и молю Тя, Пречистая: / сердце мое озари светом Твоим и лютыя мя тьмы свободí, вопиющая: / благословите вся дела Господня Господа.

### Песнь 9

**Ирмос:** Камень нерукосечный / от несекомыя горы Тебе, Дево, / краугольный отсечёся, Христос, совокупый разстоящаяся естества: / тем, веселящися, Тя, Богородице, величаем.

**Крепость** моя и пение — Слово, Иже на Кресте рúце распрострый, / мучениче, беззаконным вопиял еси: / Того страсть всеблаженную изобразуя, смерть волею приемлю.

**Яко** предобрый страстотёрпец обдárствован страстьми Божественными, / весь краснейш явíлся еси и красному Слову предстоиши, / воздаяния болéзней твоих богатейше восприёмля.

**Тя,** сиянием страстей солнце незаходимое явльшася / и зарями исцелений вселенную всю просветившаго, / и мрак разгнáвша неразумия, ублажаем.

**Взялся** еси ко обителем вечным и ликом сочísлился еси всех святых мучеников: / с нимиже, мучениче Лонгине, нас поминай, / благочестно память твою празднующих, всеблаженне.

**Богородичен:**

**Света** не вечерняго явилася еси жилище, Богородице, / Имже во тьме сущии и сéни греха

свет узрѣша:/ тем и моя просвети сердечная чувствія.

**Светилен:**

**На Кресте** висѣща яко узрѣл еси вся Содержащаго мѣнием и советом неизреченным, / удивился еси чудесѣ / и Сына нарицал еси Бога Небеснаго:/ Егоже славы достойно по подобію истинно причастник был еси.

**Богородичен:**

**Да славлю,** Пречистая, Твою нератную благодать, многими прегрешѣньми впѣдшийся безумно:/ постигни скоростию Твоею и Твоею мя крепостию исхити грехопадений, / яко спасаеши, яже хощеши, от всяческих скорбѣй силою Твоею непоборимую.

**На Литургии:** Прокимен, глас 7: **Возвеселится праведник о Господе:** Апостол к Тимофею, зачало 292. Аллилуя, глас 4. Стих: **Праведник, яко фѣникс:** Евангелие от Матфея, зачало 113. Причастен: **В** память вечную:

**В  
ТОЙЖЕ  
ДЕНЬ**



**Преподобнаго Лѳнгина, игумена Корѣжемскаго, чудотворца**

*Службу зри 10 февраля.*

**Тропарь, глас 1:**

**От мятѣжа** мирскаго удалився, / к немерцающему Свету притекл еси, преподобне отче Лѳнгине, / и ныне чѣсте зриши Святую Трѳицу, / Юже моли за ны недостойныя, / да спасет души наша.

**Кондак, глас 8:**

**По словесѣ** Учителя Христа, крест на ramo твое приял еси, / вся житѣйская отрѣнув, / и образ Животворящаго Древа в пустыню принесл еси, / идеже донне изцелѣнія неоскудно источаются / с верою приходящим к тебе.





В  
ТОЙЖЕ  
ДЕНЬ

### Преподобнаго Лонгина Яренгскаго

Общую службу ему с преподобным Иоанном Яренгским  
зри 3 июля.

Тропарь, глас 1:

**Свѣше Божѣственною благодатию просветив-  
ся Богомудре, / многим терпением во временней  
жизни течение совершил еси, / темже и по успении  
источаеши чудесем благодать, / иже с верою  
приходящим к тебе, Лонгине всеблаженне /. Слава  
Давшему ти крепость, / слава Прославльшему ты в  
чудесех, / слава Действующему тобою всем исцелѣ-  
ние.**

Кондак, глас 2:

**Вѣшних улучити, премудре, желая, / долу крас-  
ных, мудре, преобидел еси, / и Христови обнищав-  
шему, сообщница, / радуясь, последовал еси,  
Лонгине, / к Нему же прилежно непрестай моляся  
о всех нас.**



В  
ТОЙЖЕ  
ДЕНЬ

### Преподобнаго Лонгина, вратаря Печерскаго, в Дальних пещерах почивающаго

Тропарь, глас 1:

**Преподобне и Богоблаженне отче Лонгине, /  
врат монастырских опасный хранителю, / опас-  
нейший же и неусыпный своих чувствий / от  
всякаго мирскаго суетствия затворителю, / моли  
нарекшаго Себе дверь Господа Славы, / да отвер-  
зет нам дверь милости Своея.**

Кондак, глас 8:

**Вратом земным приседа и оным с послушания  
внешними очима наблюдая, / Небесная врата  
присно умными своими очима наблюдал еси,  
преподобне Лонгине, / в няже уже вшед и тамош-  
няя красоты сподобився, молися Господеви, / да  
и мы получим вход Царствия Небеснаго.**